

增補 庶物類纂

草屬
自十一至十三

太政官文庫			
和書門	特別	三三六二	幕下書
類	號	函	架
四	六	五	冊

内閣文庫			
番號	和	32362	
冊數	465(443)		
函號	特	54	1

容




Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM Kodak







增補庶物類纂草屬卷之十一目次

附子 附 烏頭

草屬目次

附子

一名八角附子弘景 一名八角拾遺 一名獲廣雅 一
 名奚毒同上 一名黑附子本草 一名大附子同上

倍名脫トリカフ 虎脫ト

草屬

附子

一

附子

附子生捷為山谷及廣漢冬月採為附子春採為烏

頭梁陶弘景
名醫別錄

凡使先須細認勿誤用有烏頭烏喙天雄側子木鼈
子烏頭少有莖苗長身烏黑少有傍尖烏喙皮上蒼
有大豆許者孕八九箇周圍底陷黑如烏鐵宜於文
武火中炮令皴折即劈破用天雄身全矮無尖周匝
四面有附孕十一箇皮蒼色即是天雄宜炮皴折後
去皮尖底用不然陰制用並得側子只是附子傍有

唐物類彙編卷之十一
小顆附子如棗核者是宜生用治風癰神妙木鼈子只是諸喙附雄鳥側中毗襍者號曰木鼈子不入藥中用若服令人喪目若附子底年九角如鐵色一箇箇重一兩即是氣全堪用夫修事十兩於文武火中炮令皺折者去之用力刮上孕子并去底尖微細劈破於屋下午地上掘一坑可深一尺安中一宿至明取出焙乾用夫欲炮者灰火勿用雜木火只用柳木是妙若陰制使即生去尖皮底薄切用東流水并黑豆浸五日夜然後漉出於日中曬令乾用凡使須陰

制去皮尖了每十兩用生烏頭五兩東流水六升雷公炮炙論
宋劉

附子無八角陶弘名之古方名用八角附子市人所貨亦八角為名唐陳藏器本草拾遺

陶隱居云附子以八月上旬採八角者良凡用三建皆熟灰微炮令折勿過焦惟薑附湯生用之俗方每用附子皆須耳草人參生薑相配者正制其毒故也

嘉祐補注本草

烏頭烏喙生朗陵山谷天雄生少室山谷附子側子

生捷為山谷及廣漢今並出蜀土然四品都是一種所產其種出於隴州種之法冬至前先將肥瘦陸田耕五七遍以猪糞糞之然後布種逐月耘耔至次年八月後方成其苗高三四尺以來莖作四稜葉如艾花紫碧色作穗實小子黑色如桑椹本只種附子一物至成熟後有此四物收時仍一處造釀方成釀之法先於六月內踏造大小麴麴至收採前半月預先用大麥煮成粥後將上件麴造醋候熟淋去糟其醋不用太酸酸則水解之便將所收附子等去根須於

新潔瓮內淹浸七日每日攪一遍日足撈出以彌蹠篩攤之令生白衣後向慢風日中曬之百十日以透乾為度若猛日曬則皺而皮不附肉其長三二寸者為天雄割削附子傍尖芽角為側子附子之絕少者亦名為側子元種母為烏頭其餘大小者皆為附子以八角者為上如方藥要用須炮令製去皮臍使之綿州彰明縣多植之惟赤水一鄉者最佳然收取時月與本經所說不同蓋今時所植如此其內地所出者與此殊別今稀用謹按本經冬採為附子春採為

烏頭而廣雅云。奚毒附子也。一歲為前與側同子。二歲為烏喙。三歲為附子。四歲為烏頭。五歲為天雄。今一年種之。便有此五物。豈今人種蒔之法。用力倍至。故爾繁盛也。雖然藥力當緩於歲久者耳。崔氏治寒疝心腹脅引痛。諸藥不可近者。蜜煎烏頭主之。以烏頭五枚大者。去芒角及皮。四破以白蜜一升煎令透潤。取出焙乾搗篩。又以熟蜜九冷鹽湯吞。機謹按一二十九如梧子永除。又法用煎烏頭蜜汁以桂枝之湯五合解之。飲三合。不知加五合。其知者如醉以為

中病續傳信方。治陰毒煩躁迷悶。不知悟人。急者用大附子一箇。可半兩者。立劈作四片。生薑大一塊。立劈作三片。如中指長。糯米一撮。三味以水一升煎取六合。去滓。如人體溫頓服。厚衣覆之。或汗出或不出。候心神定。即別服。水解散。太白通關散之類。不得與冷水如渴。更將滓煎與喫。今人多用有效。故詳著之。
宋蘇頌圖
經本草

立春生者。乃謂烏頭。因有腦類烏鳥。頭顱竟假名為醫家呼喚。氣味製度俱與附同。本經云。春採為烏頭。

冬採為附子頂圓正烏頭頂歪斜宗此別之庶弗差
謬一本子字之下有又云附子之四字

煎膏名射罔須識敷箭射禽獸即亡倘誤中久耳草
急嚼藍青萍草亦可解之

烏喙音兩岐頂上兩岐相合狀如牛角喙者乃鳥之口因類

亦假為名一應俱同烏頭

天雄亦係一種其體略細而長氣味相同製度不異
側子狀如棗核又從附子旁生畏惡無差

毗穗亦一名木鼈子者是令久喪自藥中忌之

謨按附子烏頭烏喙天雄側子射罔木鼈子七名實
出一種但治各有不同今尊會編附其總論天雄長
而尖者其氣親上故曰非天雄不能補上焦陽虛附
子圓而矮者其氣親下故曰非附子不能補下焦陽
虛烏頭原生苗腦形如烏鳥之頭得母之氣守而不
移居乎中者也側子散生傍側體無定在其氣輕揚
宜其發四肢克皮毛為治風痺之神妙也烏喙兩岐
相合形如鳥嘴其氣鋒銳宜其通經絡利關節尋蹊
達徑而直抵病所也煎為射罔禽獸中之即死非氣

之鋒銳捷利者能如是乎又有所謂木鼈子乃雄喙
烏附側中有毗穗者其形摧殘其氣消索譬如疲瘠
殘疾之人百無一能徒為世累且又令人喪目宜其
不入藥用也

明陳嘉謨
本草蒙荃

初種為烏頭象烏之頭也附烏頭而生者為附子如
子附母也烏頭如芋魁附子如芋子蓋一物也別有
草烏頭白附子故俗呼此為黑附子川烏頭以別之
諸家不分烏頭有川草兩種皆混雜註解今悉正之
別錄曰附子生犍為山谷及廣漢冬月采為附子春

月采為烏頭弘景曰烏頭與附子同根附子八月采
八角者良烏頭四月采春時莖初生有腦頭如烏鳥
之頭故謂之烏頭有兩岐其蒂狀如牛角者名烏喙
取汁煎為射蔞天雄似附子細而長乃至三四寸側
子即附子邊角之大者並是同根而本經附子出犍
為天雄出少室烏頭出朗陵分生三處當各有所宜
也今則無別矣恭曰天雄附子烏頭並以蜀道綿州
龍州者佳俱以八月采造餘處雖有造得者力弱都
不相似江南來者全不堪用大明曰天雄大而長少

角刺而實附子大而短有角平穩而實烏喙似天雄
烏頭次干附子側子小干烏頭連聚生者名為虎掌
並是天雄一喬子母之類氣力乃有殊等即宿根與
嫩者爾數曰烏頭少有莖苗身長而烏黑少有旁尖
烏喙皮上蒼色有尖頭大者孕八九個周圍底陷黑
如烏鐵天雄身全矮無尖周匝四面有附子孕十一
個皮蒼色側子只是附子旁有小顆如棗核者木鼈
子是喙附烏雄側中毗患者不入藥用保昇曰正者
為烏頭兩岐者為烏喙細長三四寸者為天雄根旁

如芋散生者為附子旁連生者為側子五物同出而
異名苗高二尺許葉似石龍芮及艾宗奭曰五者皆
一物但依大小長短以象而名之爾

烏頭有兩種出彰明者即附子之母今人謂之川烏
頭是也春末生子故曰春米為烏頭冬則生子已成
故曰冬米為附子其天雄烏喙側子皆是生子多者
因象命名若生子少及獨頭者即無此數物也其產
江左山南等處者乃本經所列烏頭今人謂之草烏
頭者是也故曰其汁煎為射兩陶弘景不知烏頭有

二以附子之烏頭註射兩之烏頭遂致諸家疑貳而雷斅之說尤不近理

以上明李時珍本草綱目

機謹按烏頭附子天雄烏喙側子漏籃之類皆一物而以時與形分命名而烏頭又別川草之二條古人所說自生于山野而春間采收之是草烏頭也氣猛毒熾為藥箭射禽獸者也素無造釀之法而古方所用附子者附草烏頭生而秋間采收形正大者也天雄烏喙等之諸物亦皆附草烏頭而生也中世蜀川之土得宜而廣藝植之遂為天下

之名品其母為川烏頭其附生形正大者為附子天雄烏喙等之諸物亦皆傍生凡藥物自生于山野者形雖瘦勁然氣猛力厚經藝培者形雖肥大然氣弱力寬如山藥地黃當歸芍藥川芎白芷大黃之類悉皆然非特烏頭而已不當別野生藝種而李時珍綱目中立烏頭之兩條者古來烏頭附子之解諸家疑貳之遂難適從熾毒之藥物若誤用之則災害如反掌故詳辨而別分條

附子始生犍為山谷及廣漢今出蜀土其根彷彿山

芋皮黑體圓底平以八月上旬采八角者良一箇重一兩者氣全堪用附烏頭而生如子附母故名附子別有一種附子色白而小故俗呼此為黑附子亦呼大附子氣味辛溫有大毒修治附子生用則發散熟用則峻補生用去皮臍熟用以水浸過炮令皺折去皮臍切片炒黃色去火毒用

附子與下條烏頭烏喙天雄側子只是一種初採鮮時色黑後經造釀色白釀之法先于六月內踏造大小麩麴末採前半月用大麥煮成粥以麴造醋候熟

去糟其醋不用太酸酸則以水解之將附子去根鬚于新甕內淹七日每攪一遍撈出以稀篩攤之令生白衣乃向微風淡日中晒之百十日以透乾為度若于烈日中晒乾則皺而皮不附肉

烏頭係附子之正根春時採因有腦似烏鳥之頭故名烏頭

烏頭乃歪頂之附子也鮮時色黑製過晒乾則色白鮮形黑釀造過乾烏頭形白似草烏小而光黑俗呼川烏炮去皮臍烏頭始生朗陵山谷今出蜀地市者

烏頭烏喙天雄附子混賣要知元種者母為烏頭傍出者為附子其長二三寸者為天雄兩岐相合者為烏喙附子小者為側子實五物而一種也今用側子者甚稀烏頭今呼為川烏頭亦呼川烏世用烏頭並用似草烏無蘆有臍光黑而小者不見用歪頂之附子也機謹按似一作以

又有一種野生者根苗花實並與川烏頭相同又無釀造之法其根外黑內白有蘆皮皺而枯燥為異耳然毒則甚焉名草烏頭草烏處處有之色黑草烏類

川烏皮皺

烏喙始生朗陵山谷今出蜀土係兩岐之烏頭也喙乃烏之口此藥兩岐相合如鳥之口故名烏喙烏喙江東人呼為莖晉驪姬譖申生寘莖于肉者是也唐武后置莖于食賀氏食之暴死蘇秦曰人之飢所以不食烏喙者以其雖偷充腹而與死同患也可見烏喙迺至毒之物根鮮時色黑釀造過色白二月八月采根

天雄始生少室山谷今出蜀地乃種附子而生出或

變出其形長而不生子故曰天雄氣味辛溫有大毒
君藥也係長柄之附子也

以上明李中立本草原始

附子別錄曰附子生犍為山谷及少室近以蜀道綿
州龍川者良他處雖有力薄不堪用李氏曰初種為
烏頭象烏之頭也附烏頭而生者為附子如子附母
也烏頭如芋魁附子如芋子蓋一物也然有烏頭兩
種出彰明者即附子之母今人謂之川烏頭是也烏
頭春末生子故春末采之附子冬末生子已成故冬
末采之其天雄烏喙側子皆是生子多者因象命名

若生子少及獨頭者即無是數物也

清倪朱謨本草彙言

附子味辛耳氣溫大熱陽中之陽有大毒係烏頭傍
出故附子僉名皮黑體圓底平山芋狀相彷彿鎮按
內閣周挹齊日服附子一枚人參數兩相習年久而
無他病鎮父因服防風通聖散治癰嗣感風寒病昏
瞶每日服參數兩附子五六錢病愈數年間習以為
常年七十四而終若此數人皆其臟腑所稟之偏
故服之有益無害然不可以常理槩論也又瑣碎錄
言滑臺風土極寒民啖附子如食芋栗此又地氣使

然耳。清何培元本草綱目類纂必讀

烏喙今之烏頭也。釋草云：芫草。郭璞云：即烏頭。今江東呼為芫。音斬晉驪姬譖申生，寘鳩於酒，寘芫於肉者，是也。非芫，芫之芫。說文云：芫，烏頭也。今烏頭與附子同根。春時莖初生，有腦形，似烏鳥之頭，故謂之烏頭。或曰：有兩歧相合者，名烏喙。要之，烏喙即烏頭之異名耳。本草冬月採為附子，春月採為烏頭。博物志曰：物有同類而異用者，烏頭、天雄、附子，一物。春夏秋冬採之各異。謝靈運山居賦曰：三建異形而同出，而說者又

以烏頭、烏喙、附子、側子，輩色理形狀亦各不同，而長三寸已上為天雄。蓋種烏頭而不生附子，側子之類。經年獨長大者是也。蜀人種之，忌生此，以為不利。如養蠶而為白殭之類也。廣雅則曰：一歲為剪子，二歲為烏喙，三歲為附子，四歲為烏頭，五歲為天雄。蘇秦曰：人之饑，所以不食烏喙者，以其雖偷充腹而與死同患也。後魏書曰：匈奴秋收烏頭為毒藥，以射禽獸。淮南子曰：天下之物莫凶於異毒，然而良藥索而藏之，有所用也。奚毒即附子。漢霍顯使醫擣附子入與

許后后曰我頭岑岑也藥中得無有毒是其事宋羅願

雅翼

三建湯所用附子川烏天雄而莫曉其命名之義比見建上一老醫云川烏建上頭目之虛風者主之附子建中脾胃寒者主之天雄建下腰腎虛憊者主之此說亦似有理後因觀謝靈運山居賦曰三建異形而同出蓋三物皆一種類一歲為側子二歲為烏喙三歲為附子四歲為烏頭五歲為天雄是知古藥命名皆有所本祖也宋周蜜癸辛雜識

生綿州彰明縣者最良有一子重及一兩者花色紫本草言附子無正種附烏頭而生然則與烏頭天雄附子共一物耳陶弘景以天雄烏頭附子皆出建平謂之三建唐人非之以綿龍二州所生為良今則彰明者佳附莖而生翠莖紫莖生蜀者良三建則非宋祁益部方物略記

附子廣雅獲美毒附子也一歲為莢則子二歲為烏喙三歲為附子四歲為烏頭五歲為天雄明陳仁錫潛確類書草烏生山野在處有之形如白附子而黑入須童便

本草綱目卷之十一

浸炒去毒心丹草烏須與黑豆同煮竹刀切看透黑為度取用草烏一两黑豆一合為准効得一名准烏生服

痺喉醫鑒○許浚東醫寶鑑

烏頭春生山谷方莖四稜中空高二尺許葉如艾而厚花紫碧穗實小黑子如桑椹根如烏鳥頭故名味苦辛大熱有大毒主中風除寒濕其汁煎之傳葶可殺禽獸中其毒者甘草藍青小豆葉浮萍冷水薺花皆可解太平府志

彰明附子記 東蜀楊天惠

綿州故漢地廣領縣八惟彰明出附子彰明領鄉二十惟赤水廉水會昌彰明宜附子總四鄉之地為田五百二十頃有奇然稅稻之田五菽粟之田三而附子之田止居其一焉合曰鄉之產得附子一十六萬斤已上然赤水為多廉水次之而會昌彰明所出微甚凡上農夫歲以善田代處前斯輒空田一再耕之時薺麥若巢縻其中比苗稍壯并根葉薺覆土下後耕如初乃布種每畝用牛十耦用糞五十斛七寸為壠

五寸為符終畝為符二十為壠千二百壠從無衡深亦如之又以其餘為溝為涂春陽漬盈丁壯畢出疏整符壠以需風雨雨過輒振拂而駢持之既又挽州為援以御短日其用工力比它田十倍然其歲獲亦倍稱成之凡四鄉度用種千斛以上出龍安及龍州齋歸木閑青挺小平者良其播種以冬盡十一月止米擷以秋冬九月止其莖類野艾而澤其葉類地麻而厚其花紫葉黃莖長苞而圓其蓋其實之美惡視功之勤畝以故富室之入常美貧者雖接畛或不盡

然又七月米者謂之早水拳縮而小蓋附子之未成者然此物謂畏惡猥多不能常熟或種美而苗不茂或苗秀而不克或以釀而腐或以暴而斃若有物焉陰為之故園人將采常禱於神或自為藥妖云其釀法用醢醢安密室淹覆彌月乃發以時暴涼久乾定方出壤時其大有如拳者已定不輒盈握故及兩者極難得蓋附子之品有七實本同而末異其種之化為烏頭附烏頭而傍生者為附子又左右附而偶生者為剪子又附而長者為天雄又附而尖者為天佳

又附而上者為前子又附而散者為漏藍出皆脈絡
連貫如子附母而附子以貴故獨專附名自餘不得
與焉凡種一而子六七以上則其實皆小種一而子
二三則其實稍大種一而子特生則其實特大此其
凡也附子之形以蹲坐正節角少為上有節氣多鼠
乳者次之形不正而傷缺風皺者為下附子之色以
花白為上鐵色次之青綠為下天雄烏頭天佳以豐
實過握為勝而漏藍側子園人以乞役夫不足數也
大率蜀人人餌附子者少惟陝輔閩浙宜之陝輔之

賈纔市其下者閩浙之賈纔市其中者其上品則皆
士大夫求之蓋貴人金多喜奇故非得大者不厭然
土人有知藥者云小者固難用要之半兩以上皆良
不必及兩乃可此言近之按本經及志載附子出犍
為山谷及在山南嵩高齊魯間以今攷之皆無有誤
矣又曰春采為烏頭冬采為附子大誤又云附子八
角者良其角為側子愈大謬與余所聞絕異豈所謂
盡信書不如無書者類耶以上皆揚說古語既刪取
其略著子篇然又云天雄與附子類同而種殊附子

種近類漏藍天雄種如香附子凡種必取土為槽作
傾邪之處勢下廣而上狹實種其間其先也與附子
絕不類雖物性使然亦人力有以使之此又楊說所
不及也審如志言則附子與天雄非一本矣楊說失
之本草圖經與此小異廣雅云奚素毒附子也一歲
為莢與側同子二歲為烏喙三歲為附子四歲為烏頭
五歲為天雄蓋亦不然莢子天雄漏藍三物本草皆
不著張華博物志又云烏頭天雄附子一物春秋冬
隻味各異也明胡文煥說

增補廢物類纂草屬卷之十二目次

耳遂

黎蘆

本草綱目卷之十一

甘遂

一名甘藁名醫別錄一名陵澤同上一名重澤同上
一名主田同上一名陵藁吳普本草一名甘澤同上一名
苦澤同上一名白澤同上一名鬼醜同上

本草綱目卷之十一

草屬 甘遂 一

本草綱目卷之十一

其遂

其遂甘大寒有毒下五水散膀胱留熱皮中痞熱氣
腫滿一名其藁一名陵藁一名陵澤一名重澤生中
山川谷二月採根陰乾梁陶弘景
名醫別錄
陶隱居云中山在代郡先第一本出太山江東北來
用京口者大不相似赤皮者勝白皮者都下亦有名
草其遂殊惡蓋謂贗雁音偽之草也唐本註云所謂草
其遂則蚤休也療休全別真其遂苗似澤漆草其遂
苗一莖六七葉如蓖麻鬼臼葉生食一升亦能利大

本草綱目卷之十一

草屬

其遂

二

療癰疽蛇毒且真甘遂皆以皮赤肉白作連珠寶重者良亦無皮白者皮白者乃是蛭休俗名重臺也臣禹錫等謹按藥性論云京甘遂味苦能瀉十二種水疾能治心腹堅滿下水去痰水主皮肌浮腫日華子云京西者上汁滄吳者次形似和皮甘草節節切之嘉祐補註本草甘遂生中山川谷今陝西江東亦有之或云京西出者最佳汁滄吳者為次苗似澤漆莖短小而葉有汁根皮赤肉白作連珠又似和皮甘草二月採根節切

之陰乾以實重者為勝又有一種草甘遂苗一莖端六七葉如蓖麻鬼臼葉用之殊惡生食一升亦不能下唐本注云草甘遂即蛭休也蛭休自有條古方亦單用下水小品療妊娠小腹痛大小便不利氣急已服猪苓散不差者以甘遂散下方秦山赤皮甘遂二兩搗篩以白蜜二兩和凡如大豆粒多覺心下煩得微下者日一服之下後還將猪苓散不得下日再服漸加可至半錢匕以微下為度中間散也猪苓散見猪苓條中宋蘇頌圖經本草

本草綱目卷之二十一

甘遂諸名義未詳今人多以麴煨熟用以去其毒時珍本草綱目

別錄曰甘遂生中山山谷中山在代郡惟大山江東者良一說比用來京口者更勝江東者次之蘇氏曰苗似澤漆莖短小而葉有汁根皮色赤肉色白作連珠形大如指頭重實者方堪入藥一種白皮者名草甘遂乃是蚤休苗亦不同療體全別修治采取用甘草水浸三日曬乾再以麴裏煨熟用清倪朱謨本草彙言廣雅曰陵旱甘遂也

建康記曰建康出甘遂

范子計然曰甘遂出三輔大平御覽

無勿須集卷之二十一

草屬 甘遂

四

本草綱目卷之二十一

藜蘆

一名山葱別名醫錄 一名葱苒同上 一名葱葵音葵
 一名葱葵吳善本草 一名豐蘆同上 一名蔥葱本草綱目
 一名鹿葱同上 一名葱管藜蘆同上 一名蒜藜蘆
 本草 一名慈苒廣雅 一名葱白藜蘆三才圖會
 原始

本草綱目卷之二十一

草屬 藜蘆

本草綱目卷之二十一

藜蘆

藜蘆味辛苦寒微寒有毒主蠱毒欬逆洩痢腸辟頭
瘍疥癢惡瘡殺諸蟲毒去死肌療噦逆喉痺不通鼻
中息肉馬刀爛瘡不入湯一名葱薺一名葱薺音一
名山葱生大山山谷三月採根陰乾梁陶弘景
名醫別錄
黃連為之使反細辛芍藥五參惡大黃陶隱居云近
道處處有根下極似葱而多毛用之止剔取根微炙
之臣禹錫等謹按蜀本圖經云葉似鬱金秦艽藁荷
等根若龍膽莖下多毛夏生冬凌即今所在山谷皆

本草綱目卷之二十一

草屬

藜蘆

二

有八月採根陰乾吳氏云藜蘆一名葱系一名豐蘆
一名蕙系神農雷公辛有毒岐伯鹹有毒李氏大寒
扁鵲苦有毒大葉根小相連范子曰藜蘆出河東黃
白者善嘉祐補註本草

藜蘆生泰山山谷今陝西山南東西州郡皆有之三
月生苗葉青似初出梭心又似車前莖似葱白青紫
色高五六寸上有黑皮裏莖似梭皮有花肉紅色根
似馬腸根長四五寸許黃白色二月三月採根陰乾
此有二種一種水藜蘆莖葉大同只是生在近水溪

澗石上根鬚百餘莖不中入藥今用者名葱白藜蘆
根鬚甚小只是三二十莖生高上者為佳均州土俗
亦呼為鹿葱此藥大吐上膈涎聞風癰病小兒鰕鮑
用錢匕一字則惡吐人又用通項令人嚏而古經本
草曰療嘔逆其効未詳今萱草亦謂之鹿葱其類全
別主療不同耳宋蘇頌圖經本草

藜蘆味辛苦氣寒有毒近道俱有深谷多生及芍藥
細辛及五參人參沙參玄參苦參丹參勿用惡大黃使黃連三月
採根陰乾去蘆微炒入藥專能發吐不用煎湯惟作

散用主頭禿疥瘍瘰癧瀉痢殺諸蟲除蠱毒去火

肌愈惡癰治痺不通理風痰上壅亦能醫馬金瘡

併敷馬刀爛瘡明陳嘉謨本草蒙荃

藜蘆黑色曰藜其蘆有黑皮裏之故名根際倍葱倍

名葱管藜蘆是矣北人謂之蔥蔥南人謂之鹿葱明李時珍本

草綱目

藜蘆始生大山山谷今所在山谷皆有之三月生苗

葉似初出樓心又似車前莖似葱白青紫色高五六

寸上有黑皮裏莖似稷皮有花肉紅色根似馬腸根

長四五寸許黃白色二月三月米根陰乾本草綱目

曰黑色曰藜其蘆有黑皮裏之故名藜蘆根際似葱

故別錄一名山葱本經名葱苒吳普本草名葱藜

北人謂之蔥蔥均人謂之鹿葱倍名葱管藜蘆二三

月米根陰乾倍謂之蒜藜蘆下截極似葱外黑皮似

稷明李中立本草原始

藜蘆李氏曰黑色曰藜其蘆有黑皮裏之故名別錄

曰出大山山谷高山者乃佳蘇氏曰今陝西遼州均

州解州亦有之四月生苗高五六寸莖似葱白色青

紫多毛外有黑皮裏莖宛如梭欄故初生之葉亦若
機心經久漸故與鬱金秦艽蘘荷葉相等也六七月
開花肉紅色立冬即凋根似龍膽及馬腸根長四五
寸一本二三十科若百餘科者乃水藜蘆也水藜蘆
生近水溪澗石旁莖葉都相同獨不入藥用修治去
頭用米泔水煮一滾晒乾候用

清倪朱謨
本草彙言

廣雅曰梨蘆慈母也

范子計然曰梨蘆出河東黃者善

吳氏本草曰梨蘆一名荪葵一名山荪一名豐蘆一

名蕙葵一名公苒神農雷公辛有毒黃帝有毒岐伯
鹹有毒李氏大毒大寒扁鵲苦毒大寒葉根小相連

二月採根

以上大
平御覽

機謹按公當作葱

藜蘆有二種一種水藜蘆莖葉大同只是生在大水
溪間石上根鬚百餘莖不中入藥今用名葱白藜蘆
根鬚甚少只是三十莖生高山者為佳均州土俗呼
為鹿葱一名葱苒一名葱菱一名山葱味辛微寒有
毒主上氣去積年膿血泄痢治惡風療疥癬頭痛殺

虫 明王思義
三才圖會

機 謹按菱疑菱字之謬也

藜蘆一名山葱生山谷中者盛京通志

藜蘆所在山谷皆有之北人謂之蔥其氣寒其味

辛幾輔通志

機 謹按 本邦古來以萬年青充藜蘆藥肆價者

皆是也或以大葉蘭充之俱誤也臣奉教到日

光山得真藜蘆初上之官蘭草狀氣味全如蘇頌
所說方俗謂之棕櫚草江都之花肆偶有愛花而

商之者呼日光結思客是也今關東深山之處處
有之臣嘗試之宜吐之功勝於華產之物盖本
邦從古有浸浚而用來之方劑而不出於異邦之
書者俗稱和方方中皆表藜蘆而用萬年青今必
不可改易之而用真藜蘆若改易之則乖于製劑
之古意非其藥無効而即生害衛生家不可不察
也萬年青亦味苦辛氣寒有殺虫之功

本草綱目卷之十三

增補庶物類纂草屬卷之十三目次

海芋
蚤休
狼毒
鬼臼

本草綱目卷之十三

草屬目次

本草綱目卷之十一



海芋

一名隔河仙方物畧記一名觀音蓮本草綱目一名羞

天艸同上一名一辨蓮秘傳花鏡一名早金蓮同上

名觀音芋同上一名野芋廣群芳譜

俗名塔客噎麼タケイモ

本草綱目卷之十一

草屬 海芋

本草綱目卷之六

海芋

海芋生不高四五尺葉似芋而有幹根皮不可食方家號隔河仙云可變金或云能止癰木幹芋葉擁蹕盤戾農經弗載可以治癰

宋宗祁益部方物畧記

海芋生蜀中今亦處處有之春生高四五尺大葉如芋葉而有幹夏秋間抽莖開花如一瓣蓮花碧色花中有藥長作穗如觀音像在圓光之狀故俗呼為觀音蓮方士號為隔河仙云可變金其根似芋魁大者如升筥長六七寸蓋野芋之類也庚辛玉冊云羞天

草陰草也。生江廣深谷澗邊。其葉極大。以禦雨。葉背紫色。花如蓮花。根葉皆有大毒。可煨粉霜硃砂。小者名野芋。宋祁海芋贊云。木幹芋。葉擁腫盤戾。農經帛載。可以治癰。

明李時珍本草綱目

李氏曰。海芋生蜀中及江廣深谷間邊。或植園圃中。今在所亦有。春生苗高四五尺。其葉如芋。葉極大。可以蔽雨。葉背紫色。夏秋間抽莖開花。碧色如大蓮花。花中有蕊。長作穗。如觀音像。其根葉皆有大毒。根似芋魁。大者如升。長六七寸。贊云。木幹芋。葉擁腫盤

戾。農經勿載。可以治癰。清倪朱謨本草彙言

木幹芋。葉高四五尺。不可食。方士家號為隔河仙。云可變金。或云能止瘡。明慎懋官華夷花木鳥獸珍玩考

一瓣蓮。一名旱金蓮。又名觀音芋。葉大如芋。秋間開花。只一大瓣。狀如蓮花。其大瓣中花蕊遠視之。頗類佛像。故有觀音之稱。清陳淏子秘傳花鏡

庚辛玉冊云。羞天草。陰草也。生江廣深谷澗邊。其葉極大。可以禦雨。葉背紫色。花如蓮花。根葉皆有大毒。可煨粉霜硃砂。小者名野芋。氣味辛。有大毒。治瘡。廣

蘇州府志卷之三

觀音蓮葉如芋而大本似芭蕉花如蓮開葉際德安府志

機謹按陸奧州南部有_レ名拉_レ噓_レ罵_レ毋_レ深山幽谷間
嶺古松老檜深鬱不見日澗中海芋多生形狀全
如諸說所載俚人名塔客_レ噓_レ麼曰有毒不可食

蘇州府志卷之三

本草綱目卷之四



蚤休

一名蚩休別錄一名螫休日華本草一名紫河車
一名重臺唐本草一名重樓金線同上一名
草甘遂同上一名白甘遂同上一名七葉一枝花
本草一名三層草本草綱目

俗名霍母ホムテム德母トクム煞蕪ウツ出羽州

蘇物類聚卷之三 草屬 蚤休 一

本草綱目卷之十一

蚤休

蚤音早休味苦微寒一名蚰休有毒生山陽川谷及寬

句梁陶弘景名醫別錄

唐本注云今謂重樓者是也一名重臺南人名草耳
逐苗似王孫鬼臼等有二三層根如肥大昌蒲細肌
脆白醋摩療癰腫傳蛇毒有效臣禹錫等謹按蜀本
圖經云葉似鬼臼牡蒙輩年久者二三重根似紫參
皮黃肉白五月採根日乾用之日華子云重臺根冷
無毒治胎風搐手足能吐瀉瘰癧根如尺二蜈蚣又

本草綱目卷之十一

本草綱目卷之六

如肥紫昌蒲又名蚤休嘉祐補註本草

蚤休即紫河車也俗呼重樓金線生山陽川谷及宛
句今河中陽華鳳文州及江淮間亦有之苗葉似王
孫鬼臼等作二三層六月開黃紫花藥赤黃色上有
金絲垂下秋結紅子根似肥薑皮赤肉白四月五月
採根日乾用宋蘇頌圖經本草

蚤休無旁枝止一莖挺生高尺餘顛有四五葉有歧
似虎杖中心又起莖亦如是生葉惟根入藥用宋寇宗奭

本草行義

蚤休一名紫河車味苦氣微寒有毒川谷俱有江淮
獨多不生傍枝一莖挺立莖中生葉心抽莖年久發
三四層上有金線垂下故又名金線重樓俗呼七葉
一枝花也圖經云葉如鬼臼根若肥薑凡入藥中惟
採根用明陳嘉謨本草蒙筌

虫蛇之毒得此治之即休故有蚤休蚤休諸名重臺
三層因其葉狀也金線重樓因其花狀也耳遂因其
根狀也紫河車因其功用也明李時珍本草綱目
重樓金線處處有之生于深山陰濕之地一莖獨上

莖當葉心葉綠色似芍藥凡二三層每一層七葉莖頭夏月開花一花七瓣有金絲蕊長三四寸王屋山產者至五七層根如鬼臼蒼木狀外紫中白有粘糯二種外丹家采制三黃砂求入藥洗切焙用俗諺云七葉一枝花深山是我家癰疽如遇者一似手拈拏是也

同上

蚤休始生山陽川谷及冤句今河中河陽華鳳文川及江淮間亦有之苗葉似王孫鬼臼等作二三層六月開黃紫花藥赤黃色上有金絲垂下秋結江子根

如紫參皮黃肉白四月五月采根日乾蟲蛇之毒得此治之即休故本經名蚤休別錄名蚩休日華子名蚤休唐本草名重臺本草綱目名三層草因其葉狀也今呼金線重樓因其花狀也南人名草耳遂因其根狀也圖經名紫河車因其功用

明李中立
本草原始


蚤休別錄曰蚤休生山陽川谷及冤句今河中河陽華鳳文川及江淮間亦有之生深山陰濕地李氏曰蟲蛇之毒得之治之即止故名又名重臺因其葉狀也名金線重樓因其花狀也名紫河車因其功用也

生無旁枝一莖挺生獨上莖當葉心似王孫鬼曰芍藥莖麻葉凡一莖三層獨王屋山產者至五七層每層七葉葉色碧綠夏月莖頭作花一花七瓣上有金絲下垂莖長三四寸秋結紅子根如鬼臼及紫參蒼朮菖蒲等狀外紫中白理細質脆有杭糯二種修治洗淨切焙用諺云七葉一枝花深山是我家癰疽如遇此一似手拈拏清倪朱謨本草彙言發休即紫河車也俗呼重樓金線生山陽川谷及寬句河中河陽華鳳文州及江淮間亦有之苗葉似王

孫鬼臼等作二三層六月開黃紫花葉赤黃色上有金絲垂下秋結紅子根以肥薑皮赤肉白四月五月採根日乾用味苦微寒有毒主驚癇搖頭弄舌熱氣有中癰疾癰瘡陰蝕下三蟲去蛇毒明王思義三才圖會金線重樓本草作發休生於深山陰濕地亦名紫河車亦名草耳遂亦名三層草處處有之明一統志云出長白山未有採者盛京通志

機謹按發休深山中處處有之出羽州月山湯殿山中尤多生俗名霍母德母草ホムデム

本草綱目卷之三



根毒



本草綱目卷之三

草屬 根毒

本草綱目卷之六

狼毒

秦亭山谷及奉高二月八日採根陰乾陳而沉水者

良梁陶弘景
名醫別錄

陶隱居云秦亭在隴西亦出宕昌乃言止有數畝地
生蝮蛇食其根故為難得亦用太山者今用出漢中
及建平云與防葵同根類但置水中沉者便是狼毒
浮者則是防葵俗用稀亦難得是療腹內要藥爾唐
本註云此物與防葵都不同類生處又別狼毒今出
秦州成州秦亭故在二州之界其太山漢中亦不聞

有且秦隴寒地无蝮蛇復云數畝地生蝮蛇食其根謬矣今按別本注云與麻黃橘皮吳茱萸半夏枳實為六陳也又按狼毒葉似商陸及大黃莖葉上有毛根皮黃肉白以實重者為良輕者力劣秦亭在隴西奉高乃大山下縣亦出宕昌及漢中建平舊經陶云與防葵同根以置水中浮者即是防葵沉者即是狼毒此不足為信假使防葵秋冬採者堅實得水皆沉狼毒春夏採者輕虛得水乃浮爾按此與防葵全別生處不同故不可將為比類臣禹錫等謹按蜀本

圖經云根似玄參浮虛者為劣也藥性論云狼毒使

味苦辛有毒治痰飲癥瘕亦殺鼠

嘉祐補注本草

狼毒生秦亭山谷及奉高今陝西州郡及遼石州亦有之苗葉似商陸及大黃莖葉上有毛四月開花八月結實根皮黃肉白二月八月採陰乾以陳而沈水者良葛洪治心腹相連常脹痛者用狼毒二兩附子半兩搗篩蜜丸如桐子大一日服一九二日二九三日三九再一九至六日又三九自一至三常服即差千金療惡疾以狼毒秦芫分兩等搗末酒服方寸匕

日二常服之差 宋蘇頌圖經本草

狼毒味辛氣平不大毒出陝西州郡似商陸苗葉採根八月肉白皮黃重實者良 入水即沈 浮虛者劣 明陳嘉謨本草

荃蒙

觀其名知其毒矣狼毒出秦晉為之誤矣見蘭茹下也 明李時珍本草綱目

狼毒李氏曰觀其名知其毒別錄曰狼毒出秦晉州郡山谷中及遼石州亦有之莖葉酷似商陸及大黃莖葉上有白毛根皮色黃肉色白形似防葵置水中

沈長者為貴浮虛者劣也今人多以草蘭茹偽充不可不辨俗用亦稀為療腹內要藥耳 清倪朱謨本草彙言

本草綱目卷之三

鬼臼

一名九臼神農本草經一名爵犀同上一名馬目毒公
一名天臼名醫別錄一名解毒同上一名獨腳蓮
土宿一名獨荷草同上一名害母草圖經一名
鬼藥本草綱目一名羞天花同上一名木律草同上
名瑤田草同上一名山荷葉同上一名旱荷同上
名八角盤同上一名唐婆鏡同上

無物頑錄卷之三

草屬 鬼臼

廣雅釋名卷一

鬼曰

鬼曰味辛溫主殺蠱毒鬼在精物辟惡氣不詳逐邪

解百毒一名爵犀一名馬目毒公一名九曰神農本草經

一名天曰一名解毒生真山谷及鬼句二月八月採

根梁陶弘景名醫別錄

陶隱居曰鬼曰如射干白味甘溫有毒主風邪鬼在

蠱毒九曰相連有毛者良一名九曰生山谷八月採

陰乾又似鈎吻今馬目毒公如黃精根曰處似馬眼

而柔潤鬼曰似射干木輩有兩種出錢塘近道者味

其上有叢毛最勝出會稽吳興者乃大味苦無叢毛
不如略乃相似而辛與毒公今方家多用鬼臼少用
毒公不知此那復頓爾乖越也唐本注云此藥生深
山巖石之陰葉如蓖麻重樓輩生一莖莖端一葉亦
有兩岐者年長一莖莖枯為一臼假令生來二十年
則有二十臼豈惟九臼耶根肉皮鬚並似射干今俗
用皆是射干及江南別送一物非真者今荊州當陽
縣硤州遠安縣襄州荊山縣山中並有之極難得也
臣禹錫等謹按蜀本圖經云花生莖間赤色今出硤

州襄州深山二月八月採根日乾用之

嘉祐補注本草

鬼臼生九真山谷及冤句今江寧府滁舒商齊杭襄
岷州荊州門軍亦有之多生深山岩石之陰葉似蓖
麻重樓輩初生一莖莖端一葉亦有兩岐者年長一
莖莖枯為一莖二十年則三十臼也花生莖間赤色
三月間後結實根肉皮鬚並似射干倍用皆是射干
當細別之七月八月採根暴乾用古方治五尸鬼疰
石毒惡氣方用之一說鬼臼生深山陰地葉六出或
五出如雁掌莖端一莖如纖蓋且時東向及暮則西

傾蓋隨日出沒也。花紅紫如扇板。正在葉下。常為葉所蔽。未常見。日一年生一莖。既枯則為一白。及八九年則八九白矣。然一年一白生而一白腐。蓋陳新相易也。故又名曰害母草。如芋。魁烏頭。輩亦然。新苗生則舊苗死。前年之魁腐矣。而本草之注謂全似射干。今射干体狀雖相似。然白形淺薄。大異鬼白。鬼白如八九天南星。側比相疊。而色理正如射干。要者當使人求苗採之。市中不復有也。并蘇頌圖經本草

機謹按為一莖當作一白三十當作二十

鬼曰味辛氣微溫有毒。齊杭襄峽最多。深山陰地纔有。獨莖起土內。一葉豎莖端。狀如傘蓋一云葉六且出或五出如扇掌東向暮西傾。隨日出沒。枯一莖為一白。逐歲增添。每長一莖莖枯為一白二、十年則二十白也。要求真採之勿買假誤也明陳嘉謨

本草蒙筌

鬼曰此物有毒而曰如馬眼故名馬目毒公殺蠱解毒故有犀名其葉如鏡如盤如荷而新苗生則舊苗死故有鏡盤荷蓮害母諸名。蘇東坡詩集云。瑞田草俗號唐婆鏡。即本草鬼白也。歲生一白如黃精根而

堅瘦可以辟穀宋祁劔南方物贊云羞天花蜀地處
處有之依莖綴花蔽葉自隱俗名羞天予改為羞寒
花卽本草鬼臼也贊云冒寒而茂莖修葉廣附莖作
花葉蔽其上以其自蔽若有羞狀

別有羞天草與此不同卽海芋也

以上明李時珍本草綱目

鬼臼根如天南星相疊之狀故市人道謂小者爲南
星大者爲鬼臼殊爲謬誤按黃山谷集云唐婆鏡葉
底開花俗名羞天花卽鬼臼也歲生一曰滿十二歲
則可爲藥今方家乃以鬼燈檠爲鬼臼誤矣又鄭樵

通志云鬼臼葉如小荷形如烏掌年長一莖莖枯則
根爲一曰亦名八角盤以其葉似之也據此二說則
似是今人所謂獨腳蓮者也又名山荷葉獨荷草早
荷葉八角鏡南方處處深山陰密處有之北方惟龍
門山王屋山有之一莖獨上莖生葉心而中空一莖
七葉圓如初生小荷葉面青背紫揉其葉作氏李香
聞花在葉下亦有無花者其根全似蒼朮紫河車丹
爐家采根制三黃砂永或云其葉八角者更靈或云
其根與紫河車一樣但以白色者爲河車赤色者爲

鬼臼恐亦不然而庚辛王冊謂蚤休陽草旱荷陰草
亦有分別陶弘景以馬目毒公與鬼臼為二物殊不
知正是一物而有二種也又唐獨孤泊丹房鏡源云
木律草有二種根皆似南星赤莖直上莖端生葉一
種葉凡七瓣一種葉作數層葉似蓖麻面青背紫而
有細毛葉下附莖開一花狀如鈴鐸倒垂青白色黃
蕊中空結黃子風吹不動無風自搖可制砂汞按此
即鬼臼之二種也其說形狀甚明上同
別錄曰鬼臼生九真山谷及宛句荊州峽州襄州越

州屬道等處近以錢塘餘杭徑山者為上錢塘者味
辛微甘上有叢毛餘處味辛稍苦無叢毛力劣少異
蘇氏曰並生深山巖石之陰處二三月挺生一莖中
空直上莖當葉心葉居莖上如初生荷葉邊出八角
面青背紫叢生細毛揉之氣香旦則東向暮則西傾
花開葉下紅紫色連綴莖間未嘗見日故又名羞天
花風來不動無風自搖其葉或二三層叠總一莖當
心直上或旁生歧出必另貫葉心不與本經相連絡
也李氏曰鬼臼根如天南星相叠之狀故市人謂小

者為天南星大者為鬼臼殊為謬誤歲生一莖一莖
枯下生一曰矣以九年十二年者更良一說一年一
莖枯一曰生而舊曰隨腐益陳新相易也清倪朱謨
本草蒙言
羞寒花蜀地處處有之不為人所愛根莖綴花蔽葉
自隱俗曰羞天花予易為羞寒花按本草名曰鬼臼
冒寒而茂莖修葉廣附莖作花葉蔽其上以其自蔽
若羞狀宋宗祁益部
方物畧記

天
分
美
个
春
老

